



07 JAN, 2024

Jualan Agro MADANI catat jualan RM93.7 juta pada 2023

Utusan Borneo Sabah, Malaysia

Page 1 of 2

Jualan Agro MADANI catat jualan RM93.7 juta pada 2023

KUALA LUMPUR: Program Agro MADANI anjuran Kementerian Pertanian dan Keterjaminan Makanan (KPKM) sepanjang tahun lepas mencatatkan nilai jualan RM93.7 juta dengan mem-babitkan penyertaan 74,800 usahawan.

Timbalan Menteri Per-tanian dan Keterjaminan Makanan Datuk Arthur Joseph Kurup berkata, pro-gram Jualan Agro MADANI dianjurkan sebanyak 5,608 sesi, iaitu melebihi sasaran 5,000 sesi dan berjaya menarik 2.9 juta pengunjung di sepa-njang penganjuran program berkenaan.

“Program ini secara tidak langsung telah meningkatkan pendapatan pengeluar yang dapat menjual barangan atau hasil pengeluaran mereka terus kepada rakyat tanpa melalui orang tengah.

“Impaknya kepada masyar-akat umum, kita berjaya mem-berikan penjimatan harga barangan sebanyak RM27.8 juta kepada lebih kurang 11.6 juta isi rumah di seluruh ne-gara,” katanya dalam ucapan pada Majlis Perasmian Jualan Agro MADANI Mega di sini semalam.



MELAWAT: Arthur (tiga kanan) melawat gerald-geral Jualan pada Majlis Perasmian Jualan Agro MADANI Mega yang dianjurkan oleh Lembaga Pertubuhan Peladang di Lotus Ampang, Kuala Lumpur, semalam. — Gambar Bernama

Arthur berkata susulan sambutan menggalakkan, kementerian meneruskan serta memperluaskan pelak-sanaan program Jualan Agro MADANI kepada sasaran 5,000 sesi jualan menjelang Oktober 2024.

Sementara itu, Pengerusi Lembaga Pertubuhan Pela-dang (LPP) Datuk Mahfuz Omar berkata penganjuran program Jualan Agro MADA-NI Mega ini mampu menjadi platform pertemuan antara usahawan untuk memperk-enalkan produk masing-

masing terus kepada pemain industri.

“Sekarang kita cuba untuk mempertemukan mereka iaitu pemain industri dengan usahawan-usahawan baharu yang lahir dan dibimbing oleh LPP, Lembaga Pema-saran Pertanian Persekutuan (FAMA) dan Pertubuhan Peladang Kawasan (PPK), supaya mereka berpeluang untuk memasarkan produk mereka,” katanya.

Pada majlis itu turut ber-langsung Majlis Pertukaran Nota Kerjasama antara LPP

dengan Jabatan Penjara Ne-gara berkenaan latihan kemah-iran kerjaya dalam bidang pertanian.

Mahfuz berkata menerusi kerjasama itu, LPP menyede-riakan peruntukan kepada Jabatan Penjara Negara un-tuk menjalankan latihan, kemahiran dan tunjuk ajar mengenai sektor pertanian kepada banduan yang be-rada di penghujung tempoh tahanan.

“Kita telah mengadakan kerjasama ini di Labuan, Kuala Krai dan Perlis serta dalam perancangan empat penjara lain. Insha-Allah kita menggalakan program seperti ini supaya mereka dapat dibantu. Selepas ini kita juga akan mendapat kerjasama daripada Jabatan Pembangunan Kemahiran di bawah Kementerian Sumber Manusia.

“... kerjasama ini mem-bolehkan mereka memper-oleh sijil kemahiran selepas mengikuti latihan dan apabila memperoleh sijil ini, banduan yang masih muda berpeluang menyambung pengajian di peringkat Diploma Kemah-iran Malaysia,” katanya. — Bernama



07 JAN, 2024

Jualan Agro MADANI catat jualan RM93.7 juta pada 2023

Utusan Borneo Sabah, Malaysia

SUMMARIES

KUALA LUMPUR: Program Agro MADANI anj uran Kementerian Pertanian dan Keterjaminan Makanan (KPKM) sepanjang tahun lepas mencatatkan nilai j ualan RM93.7 juta dengan membabitkan penyertaan 74,800 usahawan. Timbalan Menteri Pertanian dan Keterjaminan Makanan Datuk Arthur Joseph Kurup berkata, program Jualan Agro MADANI dianjurkan sebanyak 5,608 sesi, iaitu melebihi sasaran 5,000sesidan berjaya menarik 2.9 juta pengunjung di sepanjang penganjuran program berkenaan.